

ՎԱՀԱՆ ԲԱՅԲՈՒՐԴՅԱՆ

ՔԵՄԱԼԱԿԱՆ ԸԱՐԺՄԱՆ ԸՐՋԱՆՈՒՄ ԹՈՒՐՔ - ԱՄԵՐԻԿԱՆ ՀԱՐԱԲԵՐՈՒԹՅՈՒՆՆԵՐԻ ՊԱՏՄՈՒԹՅՈՒՆՑԻՑ ԿԱՊՎԱՏ ՀԱՅԿԱԿԱՆ ՀԱՐՑԻ ՉԱՐԳԱՑՈՒՄՆԵՐԻ ՀԵՏ

1917թ. ապրիլի 6-ին, հաղթահարելով «մեկուսացման» վերաբերյալ Մոնրոյի փոփոխված բարոյությունը, ԱՄՆ-ը մտադիր համաշխարհային պատերազմի մեջ: Թեև Վաշինգտոնի ուշադրությունը գերազանցապես կենտրոնացած էր եվրոպական գործերի վրա, սակայն Մերձավոր Արևելքը ևս յոջորեն մտնում էր ԱՄՆ-ի երկրաքաղաքական շահերի սկզբունքային հետաքրքրությունների շրջանակի մեջ: Նկատի ունենալով Օսմանյան կայսրության անդամակցությունը հռչակ դաշինքին, 1917թ. ապրիլին ԱՄՆ-ը խզեց իր դիվանագիտական հարաբերությունները նրա հետ, ձեռնպահ մնալով, սակայն, պատերազմ հայտարարելուց: Այնուհանդերձ Վաշինգտոնը որոշել էր իրեն վերապահել գործողությունների կատարյալ չափառություն թուրքիայի նկատմամբ, առավել ևս, որ Միացյալ Նահանգները վաղեմի տնտեսական ու քաղաքական հետաքրքրություններ ունենալով այդ վիրիսիայի կայսրության նկատմամբ¹: «Թուրքիան հանդիսանում էր պատերազմի ամենահարուստ ավալը, ավելի հարուստ, քան Շամլունը», - գրում էր ամերիկացի Ռ.Բեկերը²: Ուստի պետական դեպարտամենտին հանձնարարված էր առհասարակ մերձավորարևելյան տարածաշրջանի նկատմամբ մշակել հատուկ հանձնարարականներ: Նրանցում շեշտվում էր, որ Օսմանյան կայսրությանը առնչվող խնդիրներից Վաշինգտոնին հետաքրքրում է նաև Հայաստանի հարցը³:

Աշխարհամարտի տարիներին իր կրած մարդկային և նյութական գոհորդությունների դիմաց Միացյալ Նահանգների կառավարությունը «արդար փոխհատուցում» էր պահանջում հռչակ համաձայնության գծով իր դաշնակիցներից: Այդ փոխհատուցման գոտու մեջ ամերիկյան կառավարությունը մտցրել էր նաև Մերձավոր Արևելքը, որտեղ փոխհատուցողի դերում պետք է հստակ գար Օսմանյան կայսրությունը: ԱՄՆ-ի քաղաքական կյանքի աչքի ընկնող դեմքերը այդ առթիվ հանդես էին եկել մի շարք հայտարարություններով: Այսպես, պրեզիդենտ Վուդրո Վիլսո-

նր հայտարարել էր. «Դուրքերը, քրիստոնյաների այդ մարդասպանները, պետք է վնդովեն Լավրոպայից»⁴: Իսկ համրապետական կոնգրեսն, ԱՄՆ-ի նախկին պրեզիդենտ Թեոդոր Ռուզվելտը 1918թ. սեպտեմբերին 6-ին կոնգրեսում հայտարարել էր. «Օսմանյան կայսրությունը պետք է տապալվի. բոլոր սուրբեկտ ժողովուրդները պետք է ազատություն ստանան. թուրքը պետք է չշվի Լավրոպայից. Հայաստանը պետք է ազատ լինի»⁵:

1918թ. հունվարի 8-ին Վուդրո Վիլսոնը ուղերձով դիմեց կոնգրեսին, որը հայտնի է Վիլսոնի «14 կետեր», կամ վիլսոնյան խաղաղության ծրագիր անունով: Այն հետպատերազմյան շրջանում նոր աշխարհակարգի ստեղծման վերաբերյալ մի ծավալուն ծրագիր էր: Ամերիկացի պատմաբան Ռո.Վիլյամսի կարծիքով. «14 կետերը» նպատակ ունեին «վերակառուցել միջազգային հարաբերությունների համակարգը ամերիկյան սկզբունքներին համապատասխան և դրանով իսկ հնարավոր դարձնել Միացյալ Նահանգների տիրապետող դերը աշխարհի քաղաքական ու տնտեսական կյանքում, չլիմելով մեծ պատերազմներին»⁶:

Վիլսոնի ծրագրի 12-րդ կետը վերաբերում էր Թուրքիային. «Օսմանյան կայսրության բուրքական մասերը, իրենց ներկա կազմով, պետք է ստանան ապահովված և հաստատուն ինքնիշխանություն, սակայն ներկայիս բուրքերի իշխանության ներքո գտնվող մյուս ազգությունները պետք է ստանան իրենց գոյության աներկբա երաշխիք և ինքնուրույն զարգացման բացարձակորեն անխախտելի պայմաններ: Դարդաները պետք է միջազգային երաշխիքների ներքո մշտապես բաց լինի նավերի ազատ անցման և բոլոր ազգերի առևտրի համար»⁷:

«Համընդհանուր հաշտության մասին» կոնգրեսում արտասանած իր ճառում Վուդրո Վիլսոնը հատուկ անդրադարձավ նաև հայկական հարցին, այն դիտարկելով նոր աշխարհակարգի ստեղծման տեսանկյունից: Այդ հարցի արծարծումով պրեզիդենտը անշուշտ արտահայտում էր Ամերիկայում առկա հասարակական կարծիքը: Սակայն կասկածից վեր է. որ քաղաքականության մեջ իդեստիզմը չբացառող սյդ գործիչը դրսևորում էր նաև իր սուրբեկտիվ, անձնական հակումները: Դա անթաքույց երևում է սյդ հարցի վերաբերյալ նրա կատարած բոլոր հայտարարություններում: Այսպես, 1918թ. ապրիլի 22-ին նա ասել էր. «Դուք կարող եք հավատացած լինել, որ ես խոր հետաքրքրություն եմ տածում Հայաստանի ճակատագրի նկատմամբ»: Իսկ 1918թ. նոյեմբերի 18-ին պրեզիդենտը գրում էր պետական քարտուղար Ռոբերտ Լանսինգին. «Իմ հետաքրքրությունը հայերի նկատմամբ խորն է և իմ համակրանքը նրանց նկատմամբ իրոք մեծ է»⁸: Թերևս պրեզիդենտի այդ դիքորոշման պատճառով 1918թ. սեպտեմբերի 21-ին Վիլսոնին ներկայացված ծավալուն հուշագրի մեջ չդափվում էր նաև Հայաստանի ապագա ստատուտի վերաբերյալ հարցը: Ըստ պետական քարտուղարի առաջարկի, այն պետք

է անցներ մի ուրեւ երկրի. կամ երկրների խմբի հովանավորության ստակ: Սակայն Լանսինգը դեռևս չէր նշում. թե որ պետությունը նկատի ուներ: Այսպիսով, միանգամայն ակնհայտ էր, որ ԱՄՆ-ը մախապատրաստական աշխատանքներ էր իրականացնում դաշնակիցների սոցև Օսմանյան կայսրության ժառանգությունից իր բաժինը ստանալու համար հարց բարձրացնելու ուղղությամբ: 1918թ. հոկտեմբերի 30-ին ստորագրելով Մուդրոսի զինադադարը, երիտթուրքական կառավարությունը ստիպված էր ընդունել պատերազմում իր պարտությունը: Պատասխանատվությունից խուսափելու համար իթթիհադի պարագլուխները վախուստի դիմեցին արտասահման: Երկրի քաղաքական կյանքի իրական տերը դարձավ 1918թ. ամռանը գլխի բարձրացած սուլթան Մեհմեդ VI Վահիդեդդինը: Օրակարգում դրված էր Օսմանյան կայսրությունը մասնատելու հարցը:

Հենց այդ օրերին թուրք ազգայնականների ապագա պարսգյուսի Մուստաֆա Քեմալը որոշում է Սուսմբուլից մեկնել Արևելյան Անատոլիս, որտեղ գոյություն ունեին առավել բարենպաստ ռազմաստրատեգիական և քաղաքական պայմաններ կազմակերպելու դիմադրության շարժում Թուրքիայի անդամահատման ծրագրերի դեմ: Նա արագորեն Անատոլիայում կազմակերպեց իշխանության այլընտրանքային կենտրոն:

Այդ շարժման նշանակությունը ինչպես մասշտաբների, այնպես էլ քաղաքական նշանակության առումով անհրաժեշտ խոյությամբ չզննարկվեց, կամ գուցե թերազնահատվեց, Անտանտի տերությունների կողմից: Դժբախտաբար Հայաստանում ևս ընդունակ չեղան այդ դեպքերը բավարար խոյությամբ վերլուծության ենթարկելու, որի հետևանքով «հայկական հարցը» արդյունքում ունեցավ ծանր ու անդառնալի կորուստներ: Թուրքական պետությունից քաղաքական անջատման հայ ժողովրդի իդծերը բախվելով թուրքական վերելք ապրող մացիոնալիզմի ալիքին փշուր - փշուր եղան:

Մինչդեռ Անատոլիայի խորքերում թուրք միլիոն ազգայնականների մախապես փոքրիկ խմբակը հետզհետե ուժ հավաքելով դառնում էր տարածաշրջանի իրողությունների վրա ազդեցություն ունեցող յուրջ գործոն:

Կարծ ժամանակամիջոցի ընթացքում հանձինս Թուրքական Ազգային մեծ ժողովի, քեմալական շարժումը ստեղծեց մաս կառավարություն, որի հետևանքով քեմալականները դարձան Անատոլիայի, իսկ քիչ սավելի ուշ մաս ողջ փոքր Ասիայի իրական տերը:

Թուրքիայի անդամահատման սպառնալիքը շարունակում էր կախված մնալ երկիշխանության պայմաններում ապրող երբեմնի հզոր պետության վրա: Նրա ճակատագիրը լուծվերո էր Եվրոպայում, Փարիզի խորհրդածողովում, որտեղ որպես թելադրողներ հանդես էին գալու

Թուրքիայի վաղեմի «բարեկամ», իսկ պատերազմի ժամանակ ռիսերին թշնամի դարձած Անգլիան և Ֆրանսիան։ Սակայն միջազգային ասպարեզում ավելի ու ավելի ազդու ձևով էր հնչում նաև Ամերիկայի ձայնը, որը հանձնինս իր «նոր առաքյալի» պրեզիդենտ Վուդրո Վիլսոնի «14 կետերի» ավետում էր միջազգային հարաբերություններում նոր արդարացի կարգեր հաստատելու լարաշրջան բացվելու մասին։ Բնական է, որ դա Թուրքիայում անխուսափելիորեն արթնացնելու էր ոչ միայն նոր հույսեր, այլև հաղթանակած պետությունների հակասությունների վրա խաղալու թուրքական վարպետ դիվանագիտության համար բացելու էր վիթխարի հնարավորություններ որոշակի քաղաքական խնդիրներ լուծելու համար։

1919թ. հունվարի 18-ին վուխադարձ մրցակցության, բախումների, հակասական ծրագրերի և բացահայտ պայքարի պայմաններում բացվեց Փարիզի խաղաղության կոնֆերանսը։ Նրա բացման պահին Եռյակ համաձայնության բոլոր երկրները արդեն հստակեցրել էին իրենց դիրքորոշումները «թուրքական ժառանգության» հարցի վերաբերյալ։ Սակայն հասկանալի է, որ սպասվում էր համառ և անզիջում դիվանագիտական պայքար, քանի որ կողմերից ոչ մեկը չէր պատրաստվում առանց մարտի հրաժարվել իր հավակնություններից այն տարածքների նկատմամբ, որոնց տիրապետումը նրանց խոստանում էր կարևորագույն տնտեսական և ստրատեգիական օգուտներ։

Ձևականոթեն խաղաղության պայմանագիտը կառուցվում էր Վիլսոնի «14 կետերի» հիմքի վրա։ ԱՄՆ-ի պրեզիդենտը վստահ էր, որ իրեն հնարավորություն է տրված անմիջականորեն դիմելու ժողովուրդներին, նրանց կառավարությունների գլխի վրայով¹⁰։ Սակայն Անգլիայի և Ֆրանսիայի վարչապետներն ու արտաքին գործերի մինիստրները Վիլսոնի առաքելությանը նայում էին միանգամայն այլ աչքով։ «Ծեր վագր» Ժորժ Կլեմանսոն, օրինակ, «14 կետերը» դիտում էր որպես քարոզչական կարգախոսներ, իսկ ԱՄՆ-ի պրեզիդենտի կողմից գովաբանվող «ժողովուրդների դաշինքը» նա համարում էր գրքային մարդու միամիտ երազանք։ Նշելով, որ անձամբ ինքը բարձր է գնահատում Վիլսոնի գաղափարները, Կլեմանսոն անմիջապես ավելացնում էր, որ սակայն արդեն երկու հազար տարի առաջ «Քրիստոսը ևս քարոզում էր գաղափարներ, գործնականում ցույց չտալով, թե ինչպես կարելի է դրանք կյանքում իրագործել»։

1919թ. մարտի 20-ի գաղտնի նիստում Վիլսոնը առաջին անգամ տեղեկանում է Թուրքիայի բաժանման վերաբերյալ գաղտնի պայմանագրերի, մասնավորապես 1916թ. Սայքս – Պիկոյի պայմանագրի, գոյության մասին։ «Սայքս – Պիկո», հետագայում ոչ առանց սարկազմի նշել է նա, դա հնչում է որպես թեյի վաճառքի նոր ընկերություն, գաղտնի դիվանագիտության տիպիկ օրինակ»։ Դրսևորելով գաղտնի պայմանագ-

րելի վերաբերյալ իր կտրուկ բացասական վերաբերմունքը, այդ նիստի ժամանակ Վիլսոնը հայտարարեց, որ ինքը չի ճանաչի տարածքային հավակնությունները, թե դրանք հիմնված չեն կառավարվողների համաձայնության վրա:

Կոնֆերանսի սկզբնական շրջանում բուրքական հարցը ընդհանրապես առանձին քննարկման չէր ենթարկվում: Այն հանդիսանում էր մի յուրատեսակ «մանրադրամ» այլ հարցերի, գլխավորապես եվրոպական խնդիրների հետ առնչվող հարցերի քննարկման ժամանակ: Սակայն թեև Թուրքիան սրարաված պետություն էր, հնարավոր չէր նրան հաշվից դուրս գցել:

Փարիզի խորհրդածողովում օսմանյան շահերը պաշտպանելու համար Ֆրանսիայի մայրաքաղաք էին մեկնել մեծ վեզիր Դամադ Ֆերիդ փաշան և նախկին մեծ վեզիր Թեվֆիկ փաշան: Այդ առթիվ Մուստաֆա Էնմալլո գրում էր. «Նոյին գերագնացություն մեծ վեզիրը, անկասկած, բոլոր ջանքերը կգործադրի կոնֆերանսում օտտոմանյան շահերը պաշտպանելու համար: Այդ շահերի մեջ, որոնց սրաշտկանությունը բացարձակապես անհրաժեշտ է ազգի համար, առկա են երկու հիմնական կետեր. 1. պետության ու ազգի լրիվ անկախությունը, 2. երկրի այն մասերում, որոնք իրենց կազմով գերագնացապես բուրքական են, մեծամասնությունը չպետք է զոհաբերվի փոքրամասնությանը: Անհրաժեշտ է, որ այս երկու կետերի կապակցությամբ գոյություն ունենա կատարյալ համաձայնություն Փարիզ մեկնող պատվիրակության ծրագրի և ազգային զիտակցության ձևական պահանջների միջև: Հակառակ դեպքում ազգը կստի է հասցնվել ուղբալի վիճակի մեջ և կսնգնի մի շարք անողվելի փաստերի առջև»¹¹:

Վերջապես 1919թ. հունիսի 17-ին Դամադ Ֆերիդ փաշային բույլատրվեց հանդես գալ Փարիզի խորհրդածողովում: Նա փորձում էր օգտագործել Վիլսոնի «14 կետերը» ի շահ կայսրության ամբողջականության պահպանման: Նա երիտթուրքերի կողմից քրիստոնյաների, մասնավորապես հայերի նկատմամբ, իրականացված հանցագործությունները հավասարեցնում էր այն աղետների հետ, որոնք պատերազմի ժամանակ բաժին էին ընկել «երեք միլիոն մահմեդականներին»: Սակայն Ֆերիդ փաշայի ճարպիկ «փաստարկումները» ոչ մի ազդեցություն չգործեցին խորհրդածողովի մասնակիցների վրա:

Կլեմսոնոն նշեց, որ մեծ վեզիրը «բոլորովին չի ուղմում ներողության խոսքեր կառավարության (երիտթուրքական Վ.Լ.) գործած ոճիրների համար»: Միաժամանակ նա վճռականորեն մերժեց Ֆերիդ փաշայի այն պնդումը, թե իբր «Թուրքիան միշտ լավ վերաբերմունք է ունեցել իր հայատակ ազգերի նկատմամբ, որ Օսմանյան կայսրության պահպանումը անհրաժեշտ է աշխարհի կրոնական հավասարակշռության պահպանման համար, որ քաղաքակրթությունը և առարկությունը պահանջում են

լրիվ պահպանել Օսմանյան կայսրության նախապատերազմյան տա-
րածքները և այլն: «Ոչ էշվրապալում և ոչ էլ Ասիայում անհնարին է գտնել
մի կրկիր, որտեղ թուրքական կայսրության տիրապետության ընթաց-
քում չնվազել նրա նյութական բարեկեցությունը և ամբողջովին անկման
չենթարկվել նրա նյութական մակարդակը: Թուրքիայի նորագույն
պատմությունը չի կտրելի համարել ուրախության ու հպարտության ա-
կումը».- այսպիսի բառերով էր եզրափակում իր խոսքը Կլեմանտո¹²:

Հունիսի 23-ին թուրքական պատվիրակությունը դաշնակիցներին
ներկայացրեց մի հուշագիր, որտեղ կոնկրետացվում էին թուրքական
տեսակետները Օսմանյան կայսրության առանձին մասերի հետագա
ճակատագրի վերաբերյալ: Այդ փաստաթուղթում ոչ մի հիշատակություն
չկայ Կ.Պոլսի և նեղուցների վերաբերյալ, իսկ Հայաստանի մասին խոս-
ող մշուշապատ կերպով ասվում էր, որ «եթե Նրևանում ստեղծված Հայ-
կական Խանրապետությունը» ճանաչվի դաշնակիցներին կողմից, ապա
օսմանյան պատվիրակությունը կհամաձայնվի քննարկել (ad
referendum) նրա հետ սահմանային գիծը¹³:

Դամադ Դերիդ փաշայի հուշագիրը ամբողջապես մերժվեց կոնֆե-
րանսի կողմից: Նույնը Վիստը հանդես եկավ կտրուկ հայտարարու-
թյամբ. «Մենք նրանց լսեցինք. սակայն նրանք դրսևորեցին սուղջ դատու-
ղության կատարյալ բացակայություն... Նրանք կարծում էին, թե կոնֆե-
րանսը բողոքովին անտեղյակ է պատմությանը և պատրաստ է կող տա-
լու աներևակայելի սուտը»: «Ավելի լավ է, ուր թուրքերը մեկնեն Փարի-
զից»¹⁴:

«Չորսի խորհուրդը» օսմանյան պատվիրակությանը պատասխանեց
մի նոտայով, որտեղ աներկիմաստ ձևով ասվում էր, որ թուրքերը չեն կա-
րող հույս դնել դաշնակիցների ներողամտության վրա, որ նրանք «ընդու-
նակ չեն կառավարելու այլ ուսսաների», որ առհասարակ «երբեք ընդու-
նակություն չեն դրսևորել խաղաղ ճանապարհով զարգացնելու այն, ինչ
ձեռք են բերել ուզմունսն ճանապարհով»¹⁵:

Քեմալականները, որոնք ուշի-ուշով հետևում էին Փարիզի խորհրդա-
ժողովի աշխատանքներին, խիստ դժգոհ էին, որ Դամադ Դերիդ փաշա-
յի բերանով արձարժվել է Հայաստանի վերաբերյալ հարցը: «Անատո-
լիայի և Դումեկիայի յուրավորների պաշտպանության» լուկերության
ներկայացուցչական կոմիտեի անունից հրապարակված ուղերձում,
ուղղված Ստամբուլի բնակչությանը, Մուստաֆա Զեմալը գրում էր, որ
Ստամբուլի սուլթանական կառավարությունը Փարիզի կոնֆերանսում
մեծ վեզիրի բերանով հայտարարել է, որ ինքը դեմ չէ, որ «արևելյան նա-
հանգներում ստեղծվի ծավալուն Հայաստան»: «Արևելյան վիլայեթների
բնակչությունը շատ է դառնացած այդ փաստով և իրեն պարտավորված
է համարում պահանջել բացատրություններ», - նշում էր Մ. Զեմալը¹⁶:

1919թ. մայիսի 21-ի «Երեքի» նիստում Լւոյդ Ջորջը առաջ քաշեց թուրքական հարցի կարգավորման մոր տարբերակ: Նա հայտնեց իր կատարյալ պատրաստակամությունը ոչ միայն հաստատելու իր նախկին որոշումը ԱՄՆ-ին փոխանցելու Կ.Պոլսի, նեղուցների և Հայաստանի (Կիլիկիայով հանդերձ) «լլով մանդատը»։ այլև լրացուցիչ կերպով ԱՄՆ-ին տրամադրել Անատոլիայի նկատմամբ, ինչպես նաև Ռուսահայաստանի, Ալորբեջանի և ողջ Կովկասի շրջանի «ժամանակավոր մանդատը», մինչև «ռուսական պտբլեմի լուծումը»¹⁷։ Այսպիսով, այդ «միասնական մանդատի» տարածքն ընդգրկում էր Կ.Պոլսից ու նեղուցների գոտուց մինչև Բաքու ընկած շրջանները. իր մեջ ընդգրկելով նաև ողջ «Թուրքահայաստանը, Ռուսահայաստանը և Պարսկահայաստանը»։

«Հայաստանի և Կ.Պոլսի նկատմամբ մանդատների հեռանկարը համապատասխանում էր նախագահ Վիլսոնի իդեալներին: Նրան հարկ չկար համոզելու», - գրում էր Լւոյդ Ջորջը¹⁸։ Իսկապես Վիլսոնը հաճույքով համաձայնվեց վերցնել այդ տարածքների նկատմամբ մանդատի իրավունքը, սակայն զգուշորեն վերապահում անելով, որ այդ հարցը պետք է վերջին հաշվով լուծի ամերիկյան ժողովուրդը: Վիլսոնյան «Կ.-Պոլսից մինչև Կովկաս» միասնական մանդատի տեսակետը խալախված էր այն հիմնարար գաղափարի վրա, որ տարածաշրջանում տարբեր ազգերի ու ժողովուրդների, հետևաբար տարբեր շահերի գոյությունը, պարտադիր պայման է առաջադրում, որ այդ վիթխարի տարածքը գտնվի մեկ սոժային կենտրոնի հովանավորության տակ, այլապես խաղաղությունը մշտապես կբացակայի աշխարհի այդ պայթյունավտանգ գոտուց: «Թուրքիայում մանդատների գծով միջազգային հանձնաժողովի» ամերիկացի անդամներ Հենրի Զինգը և Չարլզ Կրեյնը այդ միտքը ձևակերպում էին հետևյալ կերպ. «Փոքր Ասիայում տարբեր պետությունների պտբլեմները խիստ փոխկապակցված են, որպեսզի հնարավոր լիներ հովանավորությունը հանձնարարել տարբեր մանդատներին, ուրոնք անխուսափելիորեն միմյանց հետ կմտնեն բախման մեջ»¹⁹։

Ամերիկացիները նաև այն կարծիքին էին, որ տնտեսական տեսակետից Փոքր Ասիան և Անդրկովկասը իրենցից ներկայացնում են մի ամբաժանելի ամբողջություն, որը հոգատար մանդատների տեսակետից անկարելի է բաժանել»²⁰։ Զեններալ Հարբորդի առաքելության կարծիքով²¹ միասնական մանդատի դեպքում «հայերը և թուրքերը կլինեին հարևաններ, երկու կամ երեք մանդատի դեպքում՝ հակառակորդներ»։ Վերջապես Հարբորդի հանձնաժողովի կարծիքով, հայկական հարցը կարելի էր լուծել միայն այն դեպքում, երբ ողջ Փոքր Ասիան գտնվեր մեկ պետության՝ տվյալ դեպքում ԱՄՆ-ի հովանավորության տակ:

Անատոլիայի մանդատը ամերիկացիներին հանձնելու որոշման դեմ դժգոհության ձայներ հնչեցին միայն ֆրանսիական պատվիրակության կողմից: Կլեմանտո դժգոհում էր, որ ինքը տվեց Մոսուլը, տվեց Պաղես-

տինը, ոչ մի կերպ չի կարողանում ստանալ Միրիան, իսկ այժմ իրեն զրկում են նաև Ամատուլիայից: Նա նույնիսկ համարձակվեց նկատել, որ «վտանգավոր է ԱՄՆ-ին մտցնել Փոքր Ասիան»: Մարդի ենթարկելով Վիլսոնի և Լույդ Ջորջի «ճամարտակոթյունները» «մահմեդական աշխարհի նշանակության մասին», Կլեմանտոն հայտարարեց, որ Կ.Պոլսից ու Հայաստանից բացի եթե Ամերիկային տրվի նաև նրանց միջև ընկած Ամատուլիան. ապա դա առաջ կբերի «այառակտուր ողջ եվրոպական աշխարհում»²²:

Ֆրանսիայի վարչապետը առիթը չկորցրեց թունոտ սարկագմով դիմելու Վիլսոնին. «Երբ դուք դադարեք նախագահ լինելուց, մենք ձեզանից կսպարեմք Մեծ թուրք» (ժամանակին Եվրոպայում այդպես էին անվանում սուլթանին Վ.Բ.)²³:

Գաղտնիք չէ, որ Մերձավոր Արևելքում անգլիական բաղձանքների գլխավոր օբյեկտը Կ.Պոլիսն էր և նեղուցները: Սակայն դրանց նկատմամբ մանդատը առաջարկելով ԱՄՆ-ին ըստ երևույթին Լուդուոնը ծրագրել էր բազմաքայլ մի կոմբինացիա: Ամենայն հավանականությամբ այդ առաջարկը կլուծվեր փորձաքարի բնույթ: Միանգամայն հնարավոր է, որ Ամերիկայի մերժումից հետո նախատեսվում էր բարձրացնել անգլիական մանդատի վերաբերյալ հարցը:

Առհասարակ Փարիզի կոնֆերանսում առավել բարդ խնդիրը ոչ թե «օտարոմանյան ժառանգության» անգլիական կամ ֆրանսիական, այլ ամերիկյան բաժնի որոշումն էր: Նկատի ունենալով, որ այդ կոնֆերանսում ԱՄՆ-ն ակտիվ ու եռանդուն հետաքրքրություն էր դրսևորում մերձավորարևելյան գործերի նկատմամբ և սկսել էր հավակնել դեկավար դերի «թուրքական խնդիրը» լուծելու հարցում, Անգլիան և Ֆրանսիան դիմում էին ճարպիկ դիվանագիտական խուսաճավումների Վաշինգտոնի հետ բաց առճակատումից խուսափելու համար: Նրանք միանգամայն հանգիստ էին ընկալում ամերիկյան այդ ակտիվությունը, որովհետև ամերիկացիները հենց սկզբից հավակնություններ չէին ներկայացնում Օսմանյան կայսրության արաբական տիրույթների նկատմամբ, իսկ ամենակարևորը նրանք Մերձավոր Արևելքում չունեին ոչ մի զինվոր, հետևաբար այդ տալաձաշրջանում նրանց կողմից որևէ տարածքի ձեռք բերումը գործնականում հնարավոր չէր: Բացի այդ, նախագահ Վիլսոնի քաղաքական դիրքերից հենց բուն Միացյալ Նահանգներում այդ ժամանակ լրջորեն բուլացել էին. նրա երկյուրդ նախագահական ժամկետը այդքան ավալտվելու վրա էր. 1918թ. միջանկյալ ընտրությունների հետևանքով նրա կողմից դեկավարվող դեմոկրատական կուսակցությունը կոնգրեսի գույգ պայլատներում կորցրեց մեծամասնությունը. երկրում և Կապիտոլիում աճում էր ընդդիմությունը նրա ալոտաքին քաղաքականության նկատմամբ, որը հասարակական կարծիքի և կառավարող վեր-

նախապի ազդեցիկ ուժերի կողմից գնահատվում էր որպես ծախսատար, թանկ և քիչ արդյունավետ:

✓ Անշուշտ բազմափորձ ու թրմված քաղաքական գործադարձներ Լ. լոյզ Ջորջը և Կլեմանտոն հասկանում էին այդ բոլորը և չէին հապաղում ի շահ իրենց օգտվել այդ բոլորից: Ի վերջո մրանց այդ հաշվարկները ճիշտ դուրս եկան: Ինչպես հայտնի է, 1919թ. նոյեմբերի 19-ին ամերիկյան սե-նատը հրաժարվեց Թուրքիայի նկատմամբ մանդատը վերցնելուց: Դա-նից հետո, 1919թ. դեկտեմբերի սկզբից, ամերիկյան պատգամավորները գործնականում դադարեցրին իրենց մասնակցությունը Փարիզի խաղա-դության կոնֆերանսի աշխատանքներին: Ըստ էության ամերիկյան սե-նատում վերոհիշյալ քվեարկությունը իրենով նշանավորում էր նաև քա-ղաքական ավելի խոշոր նշանակություն ունեցող երևույթի հաստատագ-րում. դա այն էր, որ ԱՄՆ-ը հեռանում էր «Վերսալյան համակարգին» մասնակցություն բերելուց:

Սա նշանակում էր նաև, որ Օսմանյան կայսրության բաժանման հարցը վերադարձավ իր ևլակետային դիրքին (1916թ. Սալթա-Պիկոյի պայմանագիրը) և որպես գործող անձինք ասպարեզում դարձյալ մնում էին Անգլիան և Ֆրանսիան, որոնց միջև դիվանագիտական սակարկու-թյունները ժամանակ առ ժամանակ ընդունում էին միմյանց նկատմամբ զենք շաչեցնելու բնույթ:

Թուրքիայի նկատմամբ ամերիկյան միասնական մանդատի հարցը տալիքի ձևով ընկալվեց Ստամբուլի կառավարության և քեմալականե-րի կողմից: Ստամբուլում թուրքական քաղաքական գործիչների և մտա-վորականության մի որոշ մասը, ինչպես նաև հասարակական որոշ շրջանակներ մեծ հույսեր էին կապում ԱՄՆ-ի հետ՝ երկրի կրած պար-տությունից առավել փոքր վնասներով դուրս գալու համար: Նրանք ԱՄՆ-ին դիտում էին որպես Մերձավոր Արևելքում ավելի քիչ հետաքրք-րություններ ունեցող երկիր, հետևաբար նաև ավելի պակաս վտանգա-վոր, քան Անգլիան. որը մրանց կառնիքով իրենից ներկայացնում էր թուրք ժողովրդի անկախության ու ազգային ձգտումների համար սպառ-նալիք ներկայացնող առաջին պետությունը: Այդ շրջանակները գտնվում էին վիստոյան հռչակագրերի ուժեղ ազդեցության ներքո:

Արտահայտվելով այդ մասին, Մուստաֆա Բենալի գրում էր. «պարտ-ված և զինադադար կնքելու հարկադրված Օտտոմանյան կայսրությու-նը, ինչպես միաժեղ դիտող անցորդ, մի որոշ ժամանակ ապշած ու հիա-ցած էր այդ սկզբունքների մխիթարական տեսարանից»²⁴: Վիլսոնի «14 կետերը» Մուստաֆա Բենալի գնահատել է որպես Թուրքիայի ազգային շահերին չհակասող դրույթներ: 1919թ. դեկտեմբերի 30-ին Անգլոսայի մո-տաբերների առջև արտասանած ճառում նա ասել է. «Այդ ծրագիրը ժողո-վուրդներին ապահովել է ինքնորոշման իրավունք: Նրա 12-րդ կետը բա-

ցառապես վերաբերում է մեզ, մեր պետությանը և մեր ժողովրդին: ... Այն ընդունելի է մեզ համար»:

Թուրքական մի շարք ազդեցիկ գործիչների կարծիքով միայն ԱՄՆ-ի վրա հենվելով հնարավոր կլինեն անդամարոժել Անգլիայի «թուրքական քաղաքականությունը» (իմա՝ Թուրքիայի մասնատումը Վ.Բ.): Նրանք համոզված էին, որ «լոռեալիզմով» առաջնորդվող Ամերիկան աշխարհում միակ պետությունն է, որը կարող է օգնել Թուրքիային երբ գտնելու իր սեփականության վիճակից և բացի այդ, միայն ԱՄՆ-ի բարեկամական օգնությունը թուրքերին՝ ազատ համաձայնության հիմքի վրա, կարող է վերականգնել խաղաղությունը Սերժավոր Արևելքում:

Սակայն Ստամբուլի քաղաքական դաշտում առկա էին նաև այլ ուժեր, օրինակ, իշխան Սաբահեդդինի կողմնակից չափավոր իքթիլաֆականները, որոնք համոզեց էին զալիս հօգուտ Թուրքիայի նկատմամբ անգլիական մանդատի և չէին ընդունում, ավելին, պայքարում էին ամերիկյան մանդատի ընդունման դեմ:

1919թ. հուլիսի վերջին և օգոստոսի սկզբին Էրզրումում տեղի ունեցած «Անատոլիայի և Ռումելիայի իրավունքների պաշտպանության» կոնգրեսում պաշտոնապես քննության չենթարկվեց Թուրքիայի նկատմամբ ամերիկյան մանդատի հարցը, հավանաբար այն պատճառով. որ յուրք ազգայնականների կողմից այն դեռևս զտնվում էր ուսումնասիրության ու հստակեցման էտապում: Սակայն կոնգրեսի եզրափակիչ բանաձևում այնուամենայնիվ արձանագրվեց. կոնգրեսը ցանկալի է համարում «ցանկացած երկրի կողմից» գիտական արդյունաբերական կամ տնտեսական օգնությունը Թուրքիային, երբ այդ պետությունը ունենա իր կատարյալ «թուրքական տարածքների և Թուրքիայի անկախության նկատմամբ»²⁵:

Մինչև «Իրավունքների պաշտպանության ընկերության» Մըվասի կոնգրեսի գումարումը (1919թ. սեպտեմբեր). Ստամբուլում թուրք գործիչների և ամերիկացիների միջև (Բինգ - Կրեյնի և այլն) ընթանում էին ինտենսիվ շփումներ: Այդ գործիչները աշխատում էին համոզել քեմալականներին, որպեսզի առաջիկա կոնգրեսում հստակորեն ճշտվի Թուրքիայի վերաբերմունքը ամերիկյան մանդատի նկատմամբ: 1919թ. հուլիսի 25-ին Բեքիր Սամի բեյը Մուստաֆա Զեմալին և Ռեյուֆ բեյին գրած նամակում մանդատի մասին արտահայտվում էր հետևյալ կերպ. «Սկզբունքորեն անկախությունը, իհարկե, ցանկալի է: Բայց միաժամանակ կասկածից վեր է, որ եթե հայտարարվի լրիվ անկախություն, ապա կայսրությունը կբաժանվի մի քանի գոտիների: Նման հաճախմանքներում, իհարկե, ավելի գերադասելի է մանդատը, որը երաշխավորում է մեր տարածքային ամօնեմենտիությունը, քան անկախությունը երկու կամ երեք վիլայեթների սահմաններում: Գտնում եմ, որ լավագույն լուծումը, որը կարող է ընդունել ազգը. դա խնդրելն է, որ հաստատվի Ամե-

րիկայի մանդատը որոշակի ժամկետով, տարածքի ամբողջականությամբ, սահմանադրության ու արտաքին հարաբերությունների իրավունքի պահպանման պայմանով»:

Բեքիր Մամի բեյը հաղորդում էր նաև, որ այդ հարցի կապակցությամբ ինքը Սաամբուլում գրուցել է ամերիկյան ներկայացուցչի հետ, որը հանգամանորեն ծանոթացրել է իրեն ամերիկյան մանդատի պայմանների հետ, միաժամանակ առաջարկելով դիմել Վիսոնին, ամերիկյան սենատին ու կոնգրեսին գործին ընթացք տալու համար:

Բեքիր Մամի բեյը այդ բոլորին ավելացնում էր, որ ամերիկյան ներկայացուցիչը խոստացել է ապահովել Սըվասի կոնգրեսի կողմից ընտրված պատվիրակության մեկնումը ԱՄՆ՝ ամերիկյան ռազմաճակով»:

Իր պատասխան գաղտնագրված նամակում Մուստաֆա Բենալը գրում էր, որ ողջ Սըվասի կոնգրեսի ընթացքում պաշտպանվում էր պետության ու ազգի կատարյալ անկախության պահպանման անհրաժեշտության մասին տեսակետը: Այդ իսկ պատճառով նպատակահարմար չի համարվում կոնգրեսի ուղղակի քննարկմանը դնել ամերիկյան մանդատի հարցը, առավել ևս, որ ինչպես գրում էր Մ. Բենալը, «այդ մանդատի իմաստը մեզ համար ևս դեռևս լրիվ պարզ չէ»²⁷:

Բեքիր Մամի բեյին ուղղված իր հաջորդ նամակում կասկածամիտ, գգույշ ու պրագմատիկ քննալական շարժման պարագլուխը գրում էր. «թույլ տվեք ձեր կարծիքն իմանալ մեկ այլ հարցի առթիվ. ինչպիսի՞ք են այն օգուտները, որ իր համար սպասում է ամերիկյան կառավարությունը, պատրաստակամություն հայտնելով իր վրա վերցնել մանդատը, որը կարող է բազում դժվարություններ ստեղծել ԱՄՆ-ի համար: Ո՞րն է ամերիկացիների շահագրգռվածության պատճառը, առհասարակ ինչպիսի՞ք են նրանց մտադրությունները Թուրքիայի նկատմամբ»²⁸: Այնուհետև, ինչպիսի՞ք են լինելու Օսմանյան պետության սահմանները, արդյոք նրանք համընկնո՞ւմ են կայսրության մինչպատերազմական սահմանների հետ թե ոչ, ինչպիսի՞ տարածայնություններ կան անգլիացիների ու ամերիկացիների միջև, արդյոք անգլիացիները ևս ձգտո՞ւմ են ստանալ Թուրքիայի մանդատը, ինչո՞ւ ամերիկացիները հրաժարվեցին Հայաստանի նկատմամբ մանդատից և այլն»:

Առանձնակի հետաքրքրություն է ներկայացնում Խալիդե Էդիպի 1919թ. օգոստոսի 10-ի նամակը Մուստաֆա Բենալին: Նա Ամերիկայի ժամանակավոր մանդատը Թուրքիայի համար համարում էր չարաց փոքրագույնը հետևյալ պատճառներով. ամերիկյան մանդատը ի վիճակի է լուծելու թուրքական և նույնիսկ ողջ արևելյան հարցը: Այդ դեպքում հնարավոր կլինի պահպանել Թուրքիայի ծավալում սահմանները, քանի որ ամերիկացիները ցանկանում են ձեռք բերել Թուրքիայի նկատմամբ «միասնական ու ընդհանուր մանդատը»: «Պաշտոնական Ամերիկան չի համակրում մեր տարածքի վրա Հայաստան ստեղծելու մտադրությա-

նր»։ Իհարկե. մանդատը հայրված կհասցնի թուրքերի ազգային ինքնասիրությանը։ Սակայն դա այնքան էլ վտանգավոր չէ, քանի որ «Ամերիկայի կառավարական մեխանիզմը չի հանդիսանում ոչ կղերական և ոչ էլ ազգայնական»²։

Խալիդե Էդիսյո գաղափարում էր մտն այն միտքը, որ անհրաժեշտ է միջոցներ գտնել վերացնելու համար Թուրքիայի ազգային փառամասնությունների կողմից օտարերկրյա պետությունների միջոցով Թուրքիային սպառնալու հնարավորությունը։ Նա գտնում էր, որ ինչպիսի պայմաններ էլ որ լինեն, քրիստոնյա փառամասնությունները մնալու են Թուրքիայի սահմանների մեջ։ Եվ հենվելով եվրոպական որևէ պետության վրա, նրանք անընդհատ բարձրացնելու են հուզումներ, առաջ բերելով օտարերկրյա միջամտություն, որի հետևանքով Թուրքիան ամեն տարի կորցնելու է իր անկախության մի մասը հօգուտ այդ փառամասնությունների։ Բանի որ իր սահմաններում մասնատված ու թուլացած Թուրքիան ի վիճակի չի լինելու իրականացնել վերոհիշյալ բարդ խնդիրը, ուստի ելքը, ըստ մամակի հեղինակի, մանդատն ընդունելն է։ Ըստ երևույթին Խալիդե Էդիսյո ենթադրում էր, որ մանդատեր Ամերիկան ոչ մի պայմանով թույլ չէր տա, որ եվրոպական որևէ պետություն միջամտի իր հովանավորության տակ գտնվող երկրի ներքին գործերին։ «Մենք ոչ մի տեղ չենք կարող գտնել այնպիսի հենալուսն, ինչպես Ամերիկան է, որն ավելի ուժեղ է, քան Եվրոպան», - գրում էր նա։ «Ամերիկան, - շարունակում էր Խալիդե Էդիսյո, - միակ երկիրն է, որը հաշվի է նստում ժողովուրդների հոգեբանության հետ և ունակ է ստեղծելու ժողովրդավարական վարչակարգ... ուստի նա մեզ համար ևս, անկասկած, համարվում է առավել ընդունելի օտարերկրյա պետությունը»։ Միայն Ամերիկան, ըստ Խալիդե Էդիսյո, ի վիճակի կլինի 20 տարվա ընթացքում ստեղծելու նոր, մտավոր ու տնտեսական առումով անկախ Թուրքիա³⁰։ «Որպեսզի մենք դուրս գանք ներկա ստեղծված վիճակից, - շարունակում էր նա, - և արագ կազմակերպենք մեր պաշտպանությունը ընդդեմ ամբողջ աշխարհի, անկասկած մեզ անհրաժեշտ է այն պետության աջակցությունը, որը դրա համար ունի բավարար չափով ուժ։ Եթե մենք կարողանայինք այդ նպատակով օգտագործել Ամերիկային, նրան գցելով մեր առջև որպես մանդատեր, որի վնասագերծում է իմպերիալիստական Եվրոպայի կողմից մեզ սպառնացող անհամար վտանգները, դրանով իսկ մենք կկարողանայինք լուծել թուրքական և մուսուլման արևելյան հարցը»։

«Ամերիկան ընդհանրապես հակված չէ Արևելքում ընդունել մանդատ, - ենթադրում էր մամակի հեղինակը, - կամ իրեն ինչ որ բանով կապել Եվրոպայում։ Սակայն ամերիկացիները ձգտում են իրենց ողջ հասկարգին ու իդեալներին համապատասխան, լինելու ավելի բարձր սզգ, քան եվրոպական ժողովուրդները։ Այդ ձգտումը թելադրված է մյուսնց ինքնասիրությամբ։ Եթե որևիցե երկիր կատարյալ անկեղծությ-

յամբ ամերիկյան ազգին կանչի իրեն ցուցաբերելու օգնություն, Ամերիկան չի հրաժարվի դրանից, որպեսզի եվրոսրային ցույց տա, թե ինչպիսի վարչական բարձրագույն ձև կարող է կազմակերպել այդ երկրի բարօրության համար»:

Խալիդե Էդիալը հատուկ շեշտում էր, որ «հեղինակավոր շրջաններում վստահեցնում են, որ եթե մեր ազգային շարժումը իրեն դրսևորի դրական կողմից և չլքի հակաքրիստոնեական բնույթ, մա կգտնի Ամերիկայի ւզակցությունը»:

Իր վերոհիշյալ մտքերին Խալիդե Էդիալը վերջակետ էր դնում հետևյալ եզրակացությամբ. «լինելով տեղի ունեցող իրադարձությունների վկան և նկատի ունենալով մեր երկրի ապագա մասնատման վտանգը, ես տեսնում եմ, որ մենք պետք է դիմենք Ամերիկայի օգնությանը... Մենք չպետք է ձեռքից բաց թողնենք այդ առումով մեզ համար ստեղծված բարենպաստ իրադրությունը»¹²:

Ամերիկյան մանդատը ընդունելու օգտին արտահայտվում էր նաև Անկարայում բանակային կորպուսի հրամանատար գեներալ Ալի Ֆուադը, քեմալական շարժման աչքի ընկնող գործիչ Ղարա Վասիֆը և ուրիշներ: Ի դեպ, վերջինս իր տեսակետը հիմնավորում էր հետևյալ կերպ. «Եթե դա տեղի ունենա, - հեռագրում էր մա Սըվաս, - ապա ամերիկյան մանդատի օգնությամբ հնարավոր կլինի ազատվել մյուս սրիկաներից և հետագայում գործ ունենալ միայն ամերիկացիների հետ, որից հետո պայքարելը ավելի կհեշտանա»¹³:

Չնայած Վաշինգտոնի շահագրգռվածությանը, որ Սըվասի կոնգրեսում քեմալականները ընտրություն կատարեն հօգուտ ամերիկյան մանդատի, ամերիկացիները, սակայն, չէին դադարեցնում իրենց ճնշումը Ստամբուլի կառավարության վրա, որպեսզի վերջինս վերջ տա հայերի նկատմամբ քեմալականների խժոժություններին:

Այսպես, 1919թ. օգոստոսի 21-ին Կ.պոլսում ամերիկյան դեսպանությունը մեծ վեզիրին է ներկայացնում մի հուշագիր, ստորագրված Կ.պոլսում Միացյալ Նահանգների Գերագույն կոմիսար, նավատորմի փոխծովակալ Մարկ Լ.Բրիստալի կողմից, որտեղ ասվում էր. «այրեզիյենտը ցանկանում է թուրքական իշխանություններին իրազեկ պահել, որ եթե անմիջական և արդյունավետ միջոցներ ձեռք չառնվեն կանխելու ջարդերը կամ նման սարսափներ, որոնք կատարվում են թուրքերի, քրդերի կամ այլ մուսուլմանների կողմից հայերի նկատմամբ Կովկասում և Ելլուր, ապա ներկայիս Օսմանյան կայսրության թուրքական շրջանների ինքնիշխանության ապահովմանը վերաբերող բոլոր որոշումները, ըստ խաղաղության պայմանների 12-րդ հոդվածի, հետ կվերցվեն, և դա առաջ կբերի թուրքական կայսրության լիակատար քայքայում և խաղաղության պայմանների լիակատար փոփոխություն: Եթե նրանք պատճառաբանություն առաջ բերեն, որ նման պատահարների վրա իրենք հսկողությո-

յում չուներ, ապա կմատնանշվի, ու եթե նրանք հույս ունեն կայսրության ուրե շրջանի նկատմամբ ինքնիշխանություն կիրառել, ապա պետք է ցույց տան, որ ոչ միայն կամենում են, այլև, ավելին, ի վիճակի են հետ պահել իրենց ազգակիցներին և կրոնակիցներին զազանություններ գործելուց: Հետևաբար, ոչ մի ներողություն չի լինում վի թուրքերից, որ ի վիճակի չեն եղել կանխել ռճկրները հայերի նկատմամբ»:

Մեծ վեզիր Դամադ Ֆերիդ փաշան պատասխանում է, որ «եթե ինքը չի կարող գործ ուղարկել վտանգված վայրեր, ապա ինչպե՞ս կարող է պատասխանատու լինել ըստ պրեզիդենտ Վիլսոնի նոտայի պայմաններին», ակնարկելով, որ ռեսու իշխանությունը գտնվում է քեմալականների և ոչ թև Ստամբուլի կառավարության ձեռքերում: Իր այդ ասածը հաստատելու համար, մեծ վեզիրը ամերիկյան ծովակալ Ուեբբին կարդում է վիրավորական տոնով գրված մի նամակ, որն իրեն էր ուղղել Էրզրումի վալիի պաշտոնակատարը: Նա գրում էր, որ ժողովրդի (ունս՝ քեմալակսուներին) ձայնը տարբեր է կառավարության ձայնից³⁴:

Ամերիկյան սենատոր Լուիյանը 1919թ. սեպտեմբերի 9-ին սենատին առաջադրեց մի միացյալ բանաձև, որը նպատակ էր հետապնդում լիազորել կառավարությանը ամերիկյան գործերին օգտագործելու Հայաստանում: Այդ առաջադրությունը նաև մի փորձ էր իմանալու ամերիկյան կարծիքը Մերձավոր Արևելքում մանդատ ստանալու վերաբերյալ: Միացյալ բանաձևը ուներ հետևյալ բովանդակությունը. «Որքանով որ բրիտանական գործերի հետևումը Կովկասից և Հայաստանից հայ ժողովրդին անօգնական կթողնի քրդերի ու թուրքերի հարձակումների դեմ հանդիման, և որքանով որ ամերիկյան ժողովուրդը խորապես և անկեղծորեն համակրում է հայ ժողովրդի ազատության, խաղաղության և առաջադիմության բաղձանքներին, այդ իսկ պատճառով Ամերիկայի Միացյալ Նահանգների կոնգրեսի սենատի և ներկայացուցիչների պալատի կողմից պետք է որոշվի, որ Միացյալ Նահանգների պրեզիդենտն այսու լիազորվում է օգտագործելու Միացյալ Նահանգների այնպիսի ցամաքային ու ծովային ուժեր, որոնք, նրա կարծիքով, նպատակահարմար կլինեն Հայաստանում խաղաղություն և անդորրություն պահպանելու համար, մինչև որ այդ երկրի գործերի լուծումն ավարտվի ազգերի միջև կնքված պայամանագրով»:

Այս միջոցստման նկատմամբ ԱՄՆ-ում գործող ընդդիմությունն այն միտքը զարգացրեց, որ Միացյալ Նահանգները բնավ պատերազմի մեջ չեն եղել Թուրքիայի հետ և հետևաբար նրա դեմ չի կարելի օգտագործել գործեր: Առհասարակ ընդդիմությունը այս հարցի շուրջը ուժեղ աղմուկ բարձրացրեց³⁵:

Նկատի ունենալով, որ Սըվասի դարձել էր քեմալական շարժման կարևոր կենտրոններից մեկը, գեներալ Հաբբուրդը իր համճաժողովի հետ այցելեց նաև այդ քաղաքը և շփումների մեջ մտավ ազգայնական-

ների հետ: Այդ առթիվ Կաստամունլի վալի Ֆերիդ բեյը և նույն քաղաքի պարետ զնդապետ Օսմանը հաղապարտ էին Մուստաֆա Քեմալին, որ Սըվասից ամերիկյան զենքերով հաղորդել է Ստամբուլ, որ Թուրքիայում ազգային շարժման առաջացումը ունի օբյեկտիվ պատճառներ և հանդիսանում է միանգամայն օրինական:

Նրա այդ կարծիքը ոգևորել էր մամակի հեղինակներին, որոնք գտնում էին, որ քեմալականները հենվում են ռեալ ուժի վրա և տերություններին ոչինչ չի մնում, եթե ոչ ընդունել իրենց «աղաքացի պահանջները»: Սակայն վախենալով, որ «խմպերիալիստներին» հետ չփոմները կալող է վարկաբեկել քեմալական շարժումը, Ֆերիդ բեյը և Օսմանը բախանձազին խնդրում էին իրենց գործընկերներից, որ հանուն ազգային շարժման անվտանգության չքողագերծեն «մեր զաղտնի չփոմների հարցը ինչպես ամերիկացիների, այնպես էլ անգլիացիների հետ»³⁶:

Ամերիկյան մանդատի հարցը Սըվասի կոնգրեսում քննության ենթարկվեց նրա երկու նիստերում (1919թ. սեպտեմբերի 8-ին և 9-ին): Այդ նիստերին մասնակցում էր նաև Կ.Պոլսից եկած Կրեյմի ներկայացուցիչ ումն Էդգար Լուիս Բրաուն, որն իրեն անվանում էր լրագրող, բայց իրականում հետախույզ էր: Մուստաֆա Քեմալը նրա մասին արտահայտվել է հետևյալ կերպ. «դա մի երևտասալո էր, մտավոր առումով չափազանց զարգացած և զգայուն գրուցակից»: Քեմալը հայտնում էր նաև, որ Բրաունը հանդես էր գալիս իբրև մասնավոր անձ: Իսկ ամենատարօրինակը այն էր, որ այդ լրագրողը, ինչպես նշում էր Մուստաֆա Քեմալը, «ոչ միայն չի ասել, որ Ամերիկյան կիսամաձայնվի ընդունել (Թուրքիայի Վ.Բ.) մանդատը, այլև հայտարարեց, որ ամենայն հավանականությամբ, նա կիրառարկվի ընդունելու այն»: Դժվար չէ կոսահել, որ միստեր Բրաունը պատկանում էր պրեզիդենտ Վիլսոնի քաղաքականության նկատմամբ ընդդիմության շարքերում:

Սըվասի կոնգրեսում մանդատի հարցի շուրջը քեմալականների միջև բուրբուքվեց սուր պայքար: Պատգամավորների մի մասը հանդես էր գալիս հոգուտ ամերիկյան մանդատն ընդունելու: Եղել են նաև հակառակորդներ: Զննարկումը հիմնականում զնացել է այն հարցի շուրջը, թե Թուրքիան պետք է մնա որպես անկախ պետություն, թե՞ համաձայնվի մանդատի հետ: Սյ շարք պատգամավորներ, օրինակ, Ռեֆեք բեյը, Վառա Վասիֆ բեյը և այլն հայտնում են այն տեսակետը, որ մանդատ հասկացությունը և անկախությունը չեն հանդիսանում իրար հակասող երևույթներ: «Մենք կանգնած ենք ամերիկյան երաշխիքները ընդունելու անհրաժեշտության, այսինքն մեր նկատմամբ մանդատ հաստատվելու պարտադրանքի առջև,- հայտարարում է Ռեֆեք բեյը: Չէ՞ որ հնարավոր չէ, որ XX դարում մի ժողովուրդ, որն ունի ինձգ հայրյոր միլիոն լիւսայի հասնող պարտք, քայքայված և ոչ մեծ արտադրողականությամբ խողեր և մաքսիմում տասից մինչև տասնհինգ միլիոն պետական եկամուտներ,

կարողանա գոյություն պահպանել առանց օտարերկրյա օգնության»։ «Լերջում ճառախոսը եզրակացնում էր, որ նման պայմաններում, առանց օտարերկրյա օգնության. Թուրքիան իրեն չի կարող պաշտպանել նաև հունական ազդեցությանը»³⁸։

Սակայն Սրվաթի կոնգրեսում ի վերջո հաղթանակը Թուրքիայի կատարյալ անկախության կողմնակիցների կողմն էր։ Թերևս այդ վճռի ընդունման համար կարևոր դեր խաղաց Մուստաֆա Քեմալի հետևյալ հայտնի դրույթը. «ազգային կարիքներին չհամապատասխանող որոշումները ոչ մի դեպքում չեն կարող դիտվել որպես ազգի համար պարտադիր»։

1919թ. սեպտեմբերի 11-ին Սրվաթի կոնգրեսն ընդունեց մանիֆեստ, որտեղ ասվում էր. «Օսմանյան կայսրության տարածքը, որի բնակչությունը ճնշող մեծամասնությամբ կազմում են մահմեդականները... համադիսանում է մի միասնական ամբողջություն. նրա ոչ մի մասը չի կարող օտարվել Օսմանյան կայսրությունից և ոչ մի պատրվակով ու ոչ մի ծավալ»³⁹։

Սա նշանակում էր, որ մերժվում է ամերիկյան մանդատի գաղափարը։ Սակայն Սրվաթի կոնգրեսի մանիֆեստում, ինչպես նաև Էրզրումի կոնգրեսի եզրափակիչ բանաձևում, այնուամենայնիվ տեղ էր գտնում «սնձահագրգռ ալետությունների կողմից Թուրքիային օգնություն ցույց տալու ցանկալիության» մասին դրույթը։ Ավելին, Մուստաֆա Քեմալը Սրվաթի կոնգրեսի անունից ԱՄՆ-ի կառավարությանն ու սենատին հղեց մի հուշագիր ու նամակ, որտեղ հույս էր հայտնվում, որ Ամերիկյան բարյացակամ վերաբերմունք կդրսևորի «թուրքական ազգային գործի» նկատմամբ։ Ընդդրում, այդ փաստաթղթերում հստակ շեշտվում էր, որ թուրքական շարժումը բնավ բողոքական բնույթ չունի⁴⁰։ Միաժամանակ կոնգրեսի մասնակիցների կողմից խնդրվում էր Թուրքիա ուղարկել ամերիկյան սենատի անդամներից կազմված մի հանձնաժողով, որպեսզի «շահագրգռված ազգի պարզ հայացքով վերջինս ուսումնասիրի Թուրքիայում գոյություն ունեցող իրական վիճակը և թույլ չտրվի, որ խաղաղության պայմանագրի որոշմամբ Օսմանյան կայսրության տարածքները տրվեն ուրիշներին»⁴¹։ Այսպիսով մանդատի վերաբերյալ և ոչ մի խոսք։ Ըստ էության մանդատի դեմ արտահայտվեցին ոչ միայն Էրզրումի և Սրվաթի կոնգրեսները, այլև քեմալական նորաստեղծ բանակի հյուսմանատարությունը։ Ի պատասխան Քեմալի կողմից ուղարկված հեռագրական հարցումների, հիսմանատարների մեծամասնությունը դեմ արտահայտվեց որևէ երկրի մանդատ ընդունելուն⁴²։

1919թ. հոկտեմբերի երկրորդ կեսին Ամասիայում տեղի ունեցավ Մուստաֆա Քեմալի հանդիպումը Կ.Պոլսի սուլթանական կառավարության ներկայացուցչի հետ։ Քննարկման նյութը առաջիկայում խորհրդարանի գումարման հարցն էր։ Կողմերը ամերիկյան մանդատին վերաբե-

բալ խնդրի կապակցությամբ իրենց վերաբերմունքը ձևակերպեցին այն առումով, որ դա մի միջոց է Թուրքիայի տեխնիկական, արդյունաբերական և տնտեսական կարիքները բավարարելու համար. սակայն պայմանով, որ ամբողջապես պահպանվի Թուրքիայի անկախությունը՝ համաձայն Սըվասի կոնգրեսի մանիֆեստի 7-րդ հոդվածի⁴²:

Սա փաստորեն նշանակում էր, որ քննական իշխանությունները փակում էին Կ. Պոլսի, նեղուցների և Անատոլիայի նկատմամբ ամերիկյան մանդատի վերաբերյալ հարցը: Միջազգային ատյանների օրակարգում, սակայն, դեռ շարունակում էր մնալ Հայաստանի մանդատի հարցը: 1919թ. նոյեմբերի 19-ին ԱՄՆ-ի սենատ մտցված առաջարկը՝ Վերսալի պայմանագիրը հաստատելու վերաբերյալ չապահովեց անհրաժեշտ քանակությամբ ձայներ⁴³: Հետևաբար օղից կախված էր մնում նաև Հայաստանի նկատմամբ մանդատի հարցը: Գնալով ամերիկյան մամուլում և ընդդիմության շրջանակներում ավելի ու ավելի բացահայտ կերպով էին հնչում ձայներ այն մասին, որ անիմատ է Հայաստանի համար ծախսել դրամ և կատարել զոհողություններ: Ի վերջո 1920թ. մայիսի 30-ին Սիացյալ Նահանգների սենատը մերժեց վերցնել Հայաստանի մանդատը:

VAHAN BAYBURDYAN

ON THE TURKISH-AMERICAN RELATIONSHIP IN RESPECT OF DEVELOPMENTS AROUND THE ARMENIAN QUESTION DURING THE KEMALIST MOVEMENT

The article examines the Turkish-American relationship in respect of developments around the Armenian Question during the Kemalian Movement in Turkey. It points out that as early as in the spring of 1917, the US, after it became engaged in the World War, started to display much of an interest in the "Near East" problems, including, among others, the Armenian Question. US President Woodrow Wilson, when he published his famous "14 Points" also known as the Wilson Peace Plan, referred also to the Armenian Question, which he viewed from a standpoint of creating the new world order.

The Armenian Question appeared in the agenda of the international conference summoned in Paris in 1919, but the Turkish delegation led by Senior Vizier Damad Ferid Pasha tried to jeopardize any attempt at positive settlement of the Question. In effect, the Sultan's Government in Istanbul and the Kemalians were in perfect agreement as to their strive to jeopardize the Question and, despite their fundamental discrepancies on some other problems, they stood on a strong joint platform in respect of the Armenian Question.

The Article provides a comprehensive analysis of the American mandate over Armenia, which was most warmly advocated by President Woodrow Wilson. The Article further sheds some light on the so-called "joint mandate" of the US over

Turkey. To this end, it is emphasized that the political forces active in Turkey's political arena had absolutely different positions on the idea of a "joint mandate".

During the congresses of Erzurum and Sivas held by the Kemalians in 1919, there were active discussions of the Turkish-American relationship, including the issue of a joint American mandate over Turkey. The Article highlights in this respect that the Kemalians did not have a common position on the said issue. The leader of Turkey's millic-nationalists Mustafa Kemal advocated complete independence of Turkey, which by default implied rejection of the mandate idea.

The National Vow taken by the Kemalians exhaustively rejected the application concerning an American mandate. This document, which was an extensive plan of the Kemalians, declared that Turkey's territory was a single whole, and that any part of it could not be detached from it in either way regardless of cause.

Thus, the National Vow finally declined the possibility of an American mandate over Armenia and, more broadly, one over Turkey.

ՃԱՆՈՒԹՅՈՒՆՈՒԹՅՈՒՆՆԵՐ

1. Шпилькова В.И., Империалистическая политика США в отношении Турции (1914-1920гг.), М., 1960, с. 36-38.
2. Бекер Р., Вудро Вильсон, Мировая война. Версальский мир. М.-Пг., 1923, с.96.
3. "Papers Relating to the Foreign Relations of the United States. 1919. The Paris Peace Conference", Vol. I, Washington, 1942, p.33.
4. Рсмот М., La question turque, P., 1923, s.263.
5. Ллойд Джордж, Правда о мирных договорах, т. 2, М., 1957, с. 208-209.
6. Williams W.A. Some Presidents. From Wilson to Nixon, New York, 1972, p. 31.
7. Ключников Ю.В., Сабанин А.В., Международная политика новейшего времени в договорах, нотах и декларациях, т. 2, От империалистической войны до снятия блокады с Советской России, М., 1926, с. 109.
8. "Papers Relating ...", Vol. II, Washington, 1942, p.272.
9. Lansing R. The Peace Negotiations. A Personal Narrative, L., 1927, p. 171.
10. Lamont T., Across World Frontiers, New York, 1950, p. 112.
11. Мустафа Кемаль, Путь новой Турции, 1919-1927, т.1, М., 1929, с. 29-30.
12. Rponce du président de la Conférence de la Paix au Memorandum présente par la délégation Ottomane. Paris, 25 juin, 1919, s. 1-4.
13. "Papers Relating ...", Vol. VI, p.691-694.
14. Նույն տեղում, էջ 711:
15. Նույն տեղում, էջ 577-580:
16. Мустафа Кемаль, Путь новой Турции, т. 1, с. 291.
17. "Papers Relating ...", Vol. V, p.707-711.
18. Ллойд Джордж, Правда о мирных..., т. 2, с. 393.
19. The King - Crane Report on the Near East. A Superssed official Document of the US Government. Editor and Publisher. L.V, - 27 (December 2, 1922).
20. Խաթիսյան Ա., Հայաստանի հանրապետության ծագումն ու զարգացումը, Բեյրութ, 1968թ. էջ 190-191:

21. St'u Report of the Armenian Military Mission to Armenia. May. Gen. James Harbord US Army. Washington, 1919.
22. "Papers Relating...", Vol. V. p.711.
23. Riddel G.A.. Lord Riddel's Intimate Diary of the Peace Conference and After. 1918-1923, L., 1933. p. 19.
24. Мустафа Кемаль, Путь новой Турции, т. II, М., 1932, с. 366.
25. Мустафа Кемаль, Путь новой Турции, т. I, с. 382.
26. Նույն տեղում, էջ 87-88:
27. Նույն տեղում, էջ 89-90:
28. Նույն տեղում, էջ 92:
29. St'u Миллер А.Ф., Турция. Актуальные проблемы новой и новейшей истории, М., 1983, с.166.
30. Мустафа Кемаль, Путь новой Турции, т. I, с. 93-95.
31. Նույն տեղում:
32. Նույն տեղում, էջ 97-100:
33. Миллер А.Ф., նշվ. աշխ., էջ 166: St'u նաև Мустафа Кемаль, Путь новой Турции, т. I, с.103.
34. "Documents on the British Foreign Policy. 1919-1939. First Series. 1919", Vol. IV, L., 1952, p.550-552.
35. Նույն տեղում, էջ 566-567:
36. Мустафа Кемаль, Путь новой Турции, т. I, с. 303.
37. Նույն տեղում, էջ 106-111:
38. Askun V.E., Sivas Kongresi, Istanbul, 1963, s. 127.
39. Мустафа Кемаль, Путь новой Турции, т. I, с. 419.
40. "Papers Relating...", Vol. II, p.875-888.
41. Мустафа Кемаль, Путь новой Турции, т. 2, с. 223, 229-230.
42. Նույն տեղում, էջ 56-57:
43. "Papers Relating...", Vol. XIII, p. 9.